

Statistica da giaglioffa dal Grischun è cumparida

■ (cp) La statistica da giaglioffa «Durchblick 2013 – Graubünden in Zahlen» da la Banca Chantunala Grischuna e da l'Uffizi per economia e turissem dal Grischun è cumparida dacurt. Cun cifras actualas, tabellas survesaivlas e graficas attractivas illustrescha la broschura il svilup demographic, social ed economic dal chantun Grischun.

La statistica publica è in element indispensabel dal sistem d'infurmaziun d'ina societad democratica. Grazia ad ella han tut las gruppas d'interess il medem access a datas da tut ils plauns statals. Las infurmaziuns vegnan adina elavuradas e publicgadas da maniera ch'ellas èn objectivas, autenticas e transparentas. Uschia èn ellas ina funtauna in-

desistibla per ils pli divers aspects dal mintgadi.

Dapi prest trais decennis publicgeschan l'Uffizi per economia e turissem e la Banca Chantunala Grischuna comunablamain la statistica da giaglioffa «Durchblick – Graubünden in Zahlen». Ella infurmescha cun agid da cifras, tabellas e graficas davart ils pli impurtants secturs da la vita sociala, politica ed economica.

La broschura en lingua tudestga è gratuita e po vegnir retratga a tut ils spurteglis da la Banca Chantunala Grischuna e tar l'Uffizi per economia e turissem dal Grischun. Ina versiun electronica en tudestg e talian stat a disposiziun sco dato-teca PDF sut www.gkb.ch/publikationen.